

PEMBERITAHUAN PERTANYAAN BAGI JAWAPAN BUKAN LISAN
MESYUARAT PERTAMA, PENGGAL KETIGA,
PARLIMEN KETIGA BELAS,
MAJLIS MESYUARAT DEWAN RAKYAT

PERTANYAAN : BUKAN LISAN

**DARIPADA : YB TUAN M. KULASEGARAN
[IPOH BARAT]**

SOALAN :

Tuan M. Kulasegaran [Ipoh Barat] minta **PERDANA MENTERI** menyatakan:-

- (a) bilakah hukuman mati akan dihapuskan dan jika tidak, mengapa; dan
- (b) nyatakan jumlah bilangan banduan yang sedang menunggu untuk digantung sampai mati.

JAWAPAN: PUAN HAJAH NANCY BINTI HAJI SHUKRI
MENTERI DI JABATAN PERDANA MENTERI

Tuan Yang di-Pertua,

1. Kerajaan pada masa ini melalui Jabatan Peguam Negara sedang menjalankan kajian bagi meneliti isu undang-undang, dasar dan keberkesanan pelaksanaan hukuman mati di negara ini. Skop kajian tersebut tidak terhad kepada kedudukan hukuman mati mandatori sahaja, sebaliknya merangkumi keseluruhan peruntukan hukuman mati yang dikuatkuasakan di negara ini dan juga pelaksanaannya.
2. Skop kajian tersebut tidak terhad kepada kedudukan hukuman mati mandatori sahaja, sebaliknya merangkumi keseluruhan peruntukan hukuman mati yang dikuatkuasakan di negara ini dan juga pelaksanaannya.
3. Keputusan dasar berhubung perkara ini dipertimbangkan berdasarkan hasil kajian tersebut.
4. Berhubung dengan jumlah bilangan banduan yang sedang menunggu untuk digantung sampai mati, statistik Jabatan Penjara pada 28 Februari 2015 menunjukkan seramai 354 banduan telah dikekalkan hukuman mati oleh Mahkamah Persekutuan. Walaubagaimanapun, mereka tidak boleh dikategorikan sebagai menunggu pelaksanaan hukuman mati kerana pada tarikh tersebut, tiada rayuan atau petisyen dari mana-mana banduan hukuman mati yang telah ditolak oleh Lembaga Pengampunan Negeri. Oleh itu, perintah untuk melaksanakan

hukuman mati terhadap mana-mana banduan juga belum diterima oleh Jabatan Penjara.

5. Banduan hukuman mati akan dimaklumkan hak mereka untuk membuat rayuan atau petisyen kepada Lembaga Pengampunan Negeri setelah selesai semua proses perbicaraan di Mahakamah. Sekiranya diperlukan, Jabatan Penjara akan membantu banduan berkenaan untuk membuat rayuan atau petisyen tersebut.

Sekian, terima kasih.